

## **Clypevs Theologiæ Thomisticæ**

Continens Tractatus de Beatitudine, de Actibus humanis, eorumque Moralitate; de Virtutibus ac Donis, de Vitiis ac Peccatis, & de Legibus, nec-non Dissertationem Theologicam de Probabilitate

**Gonet, Jean-Baptiste**

**Parisiis, 1669**

Art. I. Vtrum non solùm in voluntate, sed etiam in aliis potentiis à voluntate motis, sit formaliter & intrinsecè peccatum?

---

[urn:nbn:de:hbz:466:1-77355](#)

cedant; sicut in habitibus intellectualibus ille est nobilior, qui habet nobilius objectum, supposito quod eodem modo, hoc est vel scientificè, vel opinativè, uterque procedat; si enim unus habitus procedat modo scientifico, & alter opinativo, quamvis hic posterior versetur circa nobiliorem materiam, non tamen erit perfectior, quia habet diversum & imperfectiorum modum procedendi: unde cum peccatum mortale & veniale habeant longè diversum modum procedendi (mortale enim ponit inordinationem circa finem, veniale solum circa media) quamvis veniale contrarietur nobiliori virtuti, non ideo erit gravius quam mortale.

Dico secundò: in equalitatē accidentalē in peccatis, sumi ex circumstantiis non mutantibus speciem.

Probatur: Inequalitas accidentalis in peccatis sumi debet ex his quae se habent accidentally ad actum in esse moris spectatum: Sed circumstantia non mutant speciem, accidentally se habent ad actus humanos in esse moris spectatores; sunt enim veluti quædam illorum accidentia eos sufficientia, v. g. in furto, hoc quod est rapere alienum, se habet per modum essentia, sed quod sit magnum vel parvum, se habet per modum circumstantie & accidentis: Ergo inequalitas accidentalis in peccatis, sumitur ex circumstantiis non mutantibus speciem, sed intra eandem speciem aggravantibus. Videantur quæ diximus in tractatu de moralitate actuum humorum disp. 3. art. 2.

Quarunt hic aliqui, an peccatum quod ex objecto, & secundum speciem, est minus grave, possit ratione circumstantiarum adeo crescere in malitia, ut supereret vel adæquet peccatum ex objecto gravius? Est autem sermo de circumstantiis aggravantibus intra eandem speciem; quia de circumstantiis quæ speciem peccati mutant, dubium non est, quin ratione earum peccatum ex objecto levius, possit superare aliud gravius ex objecto, ut si furto, quod ex suo objecto est levius quam rapina, superaddatur circumstantia loci sacri, quæ transfert illud in speciem sacrilegij, majus peccatum erit, quam rapina.

Pro resolutione hujus difficultatis, advertendum est, duplicitate nos posse loqui de peccatis, metaphysicè scilicet, considerando eorum essentiam, speciem, & quidditatem; & moraliter, judicando de illis secundum prudentis estimationem & appreciationem. Hoc posito

Dicendum est primò, quod si loquamur de gravitate peccatorum metaphysicè, peccatum ex objecto levius, quantumcumque malitia ipsius crescat ratione circumstantiarum aggravantium intra eandem speciem, nequit superare vel adæquare peccatum gravius ex objecto. Ratio est, quia nulla forma quæ essentialiter est constituta in gradu inferiori, quantumcumque intra suum gradum & speciem crescat, potest pertingere ad gradum formæ essentialiter superioris, alias talis forma amitteret proprium gradum essentiali, & seipsum defrueret: v. g. nigredo, quantumcumque intendatur, nunquam pertinet absoluè loquendo ad perfectionem albedinis; nec actus humilitatis, vel temperantiae, ad perfectionem actus religionis, aut charitatis: Sed malitia peccati levioris ex objecto, essentialiter est constituta in gradu inferiori: Ergo quantumcumque intra suum speciem crescat, nunquam pertinet, metaphysicè loquen-

Tom. III.

A do, ad malitiam peccati ex objecto gravioris. Unde D. Thomas qu. 2. de malo art. 8. in corp. ait quod semper major est gravitas, que est ex peccati specie, quam que est ex circumstantia speciem non constitente.

Dicendum est secundò, si loquamur de gravitate peccati moraliter, & de illa judicemus secundum viri prudentis estimationem & appreciationem, peccatum ex objecto levius, potest ratione circumstantiarum intra eandem speciem ita crescere, ut adæquet vel supereret gravitatem peccati ex specie & objecto gravioris.

Probatur: Nam in communi hominum estimatione, & secundum judicium viri prudentis, occidere mille viros, aut deprædari bona torius reipublicæ, censetur peccatum simpliciter gravius, & majori penâ puniendum, quam aliquod perjurium, aut blasphemia, licet ista ex objecto & specie sint graviora.

Confirmatur & illustratur hoc exemplo: Licet aurum ex sua specie, & physicè loquendo, sit majoris valoris & perfectionis quam argentinum; in individuo tamen potest ita multiplicari quantitas argenti, ut moraliter loquendo, & secundum estimationem hominum, majoris sit valoris quam parva quantitas, v. g. uncia auri. Ita ergo similiter, quamvis perjurium sit gravius ex sua specie, quam homicidium, & semper sit tale, metaphysicè loquendo, moraliter tamen, & attensis circumstantiis, aliquod homicidium poterit esse absolute gravius, & majori penâ dignum, quam unum perjurium; putâ si persona occisa sit maxima dignitatis, vel utilitatis in republica, aut si plures occidentur, & aliunde perjurium ex inconsideratione, metu, & aliis circumstantiis allevietur, quamvis rationem peccati mortalis non amittat.

## DISPUTATIO V.

### De subjecto peccatorum.

Ad questionem 74. Divi Thome.

**C**ONSIDERATA essentiâ, & distinctione peccatorum, corumque inequalitate & gravitate, consequens est, ut eorum subjectum investigemus, & in quibus potentissimis formaliter & intrinsecè residant, breviiter declaremus. Unde sit

### ARTICVLVS PRIMVS.

*Vtrum non solum in voluntate, sed etiam in aliis potentissimis à voluntate motis, sit formaliter & intrinsecè peccatum?*

S. I.

*Premittitur quod apud omnes est certum, & difficultas resolvitur.*

**C**ERTVM est, peccatum, utpote actum liberum & voluntarium, in voluntate ut in propria sede & principali subjecto & principio residere, juxta illud Augustini lib. 1. retract. cap. 9. *Voluntas est quæ peccatur, & recte vivi.*

Ecc iij

## DISPUTATIO QUINTA

404

tur. Unde solum est quæstio, an etiam in aliis potentisi, intellectu scilicet appetitu, & membris ac sensibus externis, ut voluntatis motioni subjectis, peccata, quantum ad malitiam formalem, subjectentur, vel actus illarum potentiarum, solum extrinsecè ab actu voluntatis, à quo imperantur, mali & peccaminosi denominentur? Pro resolutione

Dico, plura peccata, etiam quantum ad malitiam formalem, subjectari intrinsecè in intellectu, & in appetitu sensitivo, non verò in membris corporis, aut sensibus externis. Ita D. Thomas in hac quæstione, ubi multoties repeatit, potentias appetitivas, non autem membra externa, esse subjectum peccati. Nec potest glorificari de peccato, quantum ad materiale; cum in membris externis peccatum quantum ad materiale residere poslit.

3. Prima pars, quam negant Alvarez & Curiel, afferentes malitiam moralem in solis actibus voluntatis intrinsecè reperiri, breviter suadetur ratione quam insinuat D. Thomas h̄c art. 2. In illa potentia est actus malus, formaliter quā talis, in qua est habitus malus à quo elicatur, & habitus bonus, cui contrariatur: At non solum in voluntate sunt habitus vitiōsi, à quibus actus mali elicuntur, & virtutes ipsis opposita, sed etiam in intellectu, & in appetitu sensitivo: Ergo actus malus & peccaminosus, formaliter quā talis, non solum in voluntate, sed etiam in intellectu, & in appetitu sensitivo subjectatur. Major patet, quia actus non elicetur, nec recipitur in potentia, nisi mediante habitu; unde in eodem subjecto debet recipi actus, in quo residet habitus, & ut loquitur S. Doctor loco citato, *Eiusdem est actus & habitus*. Minor etiam est certa quoad utramque partem: nam virtus imprudentia, infidelitas, & similia, sunt in intellectu, in quo resident prudentia & fides: similiiter habitus intemperantiae, pusillanimitatis, & alij similes, sunt in appetitu sensitivo, in quo subjectantur temperantia, fortitudo, & alia virtutes moderatrices passionum, ut ostendimus in tractatu de virtutibus, & fatentur Curiel, & Alvarez, contra quos disputamus.

4. Probatur secundò eadem pars: Proprium subjectum malitia moralis est potentia libera: Sed appetitus sensitivus hominis, ex coniunctione quam habet cum voluntate, libertatem aliquam intrinsecam ab ea participat, ut ostendemus articulo sequenti: Ergo potest esse subjectum malitia moralis.

5. Ex hoc probata manet secunda pars, quæ assertit in membris, & in sensibus externis, malitiam moralem formaliter non residere. Nam in eo subjecto non potest intrinsecè & formaliter residere malitia peccati, quod non est aliquo modo intrinsecè liberum: Sed membra corporis non sunt intrinsecè libera, sicut nec sensus externi: Ergo malitia moralis in ipsis residere non potest.

§. I.

## Solvuntur objectiones.

6. **O**BIJES primò contra primam partem conclusionis: D. Thomas h̄c art. 1. docet esse de ratione peccati, formaliter quā peccatum est, seu quoad malitiam moralem quam de formalí importat, quod in voluntate subje-

cetur: Sed una numero malitia non potest subjectari intrinsecè in duabus potentisi, sicut nec idem numero accidentis esse in subjectis realiter distinctis: Ergo peccatum, quantum ad malitiam formalem, non subjectatur in intellectu, vel in appetitu sensitivo, sed solum in voluntate.

Respondeo ex Conrado h̄c art. 1. omnia peccata subjectari in voluntate, non quidem adæquatè & secundum totam malitiam, sed inadæquatè & secundum partem malitiae: unde in peccato hærcis, vel luxuria v. g. pars malitiae est in voluntate, & pars in intellectu, vel in appetitu sensitivo, in quibus virtus hærcis vel luxuria resident. Nec inconveniens est quod ex pluribus malitiis partialibus, & realiter distinctis, moraliter unum numero peccatum resulteret; sicut juxta doctrinam D. Thoma supra qu. 17. art. 4. ex imperio & actu imperato, moraliter fit unus numero actus, licet in esse phisico differant realiter. Non repugnat etiam quod una numero malitia in pluribus subjectis partialibus existat, sicut unus numero ternarius est in tribus hominibus, & una numero figura domus in lapidibus, lignis, &c. nam quando dicitur quod unitas numerica accidentis sumitur à subjecto, hoc intelligendum est de totali, non de partiali subjecto.

Addo quod, quia pars illa malitia quæ in voluntate residet, primariò & principaliter se habet in peccato, & est radix & origo aliarum que in appetitu sensitivo, vel in intellectu reperiuntur, potest dici omne peccatum esse in sola voluntate principaliter & primariò, seu radicaliter & originativè, & in intellectu & appetitu minus principaliter, & quasi secundariò, ut explicat Caeteranus h̄c art. 2. & declarat S. Doctor qu. 2. de malo ar. 2. ad 2. his verbis: *Peccatum dicitur esse voluntas, non quod tota essentia peccati sit in actu voluntatis, sed quia totum peccatum consistit in voluntate sicut in radice.*

Potest etiam dici cum Montesino, omne peccatum esse in voluntate formaliter, & in aliis potentisi solum materialiter; non quod in istis non sit aliqua formalis malitia intrinseca, sed quia malitia quæ est in aliis potentisi, comparata ad illam quæ residet in voluntate, habet se sicut materiale ad formale: nam actus voluntatis se habet ut imperans, actus verò aliarum potentiarum ut imperati; unde quia imperatus ad imperium comparatur sicut materia ad formam, ut docet D. Thomas supra qu. 17. art. 4. malitia actus voluntatis potest dici formalis, & malitia aliorum actuum materialis; & consequenter peccatum per utramque malitiam constitutum, potest dici subjectari formaliter in sola voluntate, in reliquis autem potentisi solum materialiter.

Objicies secundò: D. Thomas supra qu. 20. art. 3. docet actus exteriores non habere distinctam bonitatem vel malitiam formalem ab ea quæ est in actu voluntatis: Sed nomine actus exterioris apud D. Thomam intelligitur quicumque actus à voluntate imperatus, sive sit intellectus, sive appetitus: Ergo actus intellectus vel appetitus sensitivi, non habent bonitatem, vel malitiam formalem distinctam ab ea quæ est in actu voluntatis.

Confirmatur: Quia sola attributione & analogia unius ad alterum dicuntur talia, non denominantur à forma sibi inhærente, sed à forma quæ est in principali analogato, ut patet in

- medicina & urina, quæ non dicuntur sanæ à sanitate quam in se formaliter habeant, sed à sanitatem animalis, quam causant vel significant: Atque ex D. Thoma loco citato in resp. ad 3. actus exterior denominatur bonus aut malus per analogiam & attributionem ad interiorem, sicut medicina & urina denominantur sanæ à sanitatem animalis: Ergo actus exterior solum extrinsecè denominatur malus à malitia que in actu voluntatis formaliter resideret.
12. Respondeo hoc argumentum, quod est præcipuum Curielis & Aluaris fundamentum, primam partem nostræ assertionis non attingere, sed solum probare secundam, in qua diximus actus seu motus membrorum exterorum, non habere in seipso malitiam formalem: nam S. Doctor loco citato, nomine *actus exterioris*, non intelligit quemcumque actum à voluntate imperatum (ut Curiel & Aluarus existimant) sed solum actus membrorum exterorum. Et hoc colligitur cum ex exemplis quæ ibidem adducit; nulquam enim in tota illa qu. 20. apponit exemplum actus externi in actibus intellectus vel appetitus, nec horum mentionem facit, cùm tamen fere in singulis articulis afferat in exemplum actus membrorum exterorum, ut occisionem, deambulationem, & similes motus omnino externos: Tum etiam ex argomento primo illius art. 3. ubi ait, quod *actus exterioris principium est potentia exequens motum*; idque non negat, sed admittit in ejusdem argumenti solutione; potentia autem exequens motum est in membris corporis exterioribus.
13. Ex quo patet solutio confirmationis: nam quando S. Doctor assertum exteriorem denominari bonum aut malum, per analogiam & attributionem ad interiorem, sicut medicina & urina denominantur extrinsecè sanæ à sanitatem quæ est in animali, nomine *actus exterioris*, intelligit actus membrorum exterorum, non verò actus intellectus, & appetitus sensitivi: ratio enim boni aut mali moralis, respectu actuum voluntatis, intellectus, & appetitus sensitivi, dicitur analogicè, non solum analogiæ attributionis, sicut sanum analogicè dicitur de animali, medicina, & urina, sed etiam analogiæ proportionalitatis, sicut ens analogicè de Deo & creaturis, vel de substantia & accidente prædicatur.
14. Objicies tertio: Veritas sicut & falsitas formalis in solo intellectu formaliter resideret: Ergo pariter tum bonitas, tum malitia moralis, in sola voluntate subiectatur. Antecedens supponitur certum ex metaphysica. Consequentia verò probatur ex paritate rationis.
- Respondeo veritatem & falsitatem formalem primò & per se solum esse in intellectu; secundariò tamen & per participationem etiam esse in cogitatione formaliter; quia haec potentia conficit propositiones ex terminis singularibus, & ex his discurrsum: in vocibus autem & rebus solum esse veritatem extrinsecè denominatione. Idem est de bonitate & malitia: primò enim & per se utraque est in actu voluntatis; secundariò & per participationem, in actu appetitus sensitivi: in actibus verò membrorum exteriorum, solum extrinsecè denominatione.
15. Objicies quartò: Actus eodem modo dicuntur mali, quo liberi: Sed actus intellectus solum extrinsecè denominatione ab actu voluntatis dicuntur liberi: Ergo & mali.
- A Respondeo primò negando Majorem: aliquid enim potest esse directè peccatum, quod indirectè tantum voluntarium & liberum est, ut patet ex dictis in 3. disputatione. Multi etiam docent peccatum originale, quod formaliter & intrinsecè denominatione est in nobis, solum esse nobis voluntarium denominatione extrinsecè ab actu voluntatis Adami. Sic ergo in peccatis infidelitatis & imprudentiae, quæ sunt in intellectu tanquam in subiecto, potest esse intrinsecè malitia moralis, quamvis solum extrinsecè sint liberi. Nec est eadem ratio de actibus membrorum exteriorum: quia hæc non sunt principia actus humani, sed tantum instrumenta, ut h̄c art. 2. ad 3. docet D. Thomas; neque sunt potentia rationales per essentiam, vel per participationem, nec aliquo modo libera: intellectus verò est principium actus humani, & potentia rationalis per essentiam, ac libera, si non formaliter, saltem radicaliter.
- B Secundò responderi potest, datâ & non concessâ Majori, negando Minorem: nam in actu imperij ab intellectu elicito, reperitur aliqua libertas intrinsecè, à præcedenti motione voluntatis participans, ut in Tractatu de actibus humanis ostensum est.
- C Objicies ultimò: Si actus appetitus sensitivi, procedens ex motione voluntatis, haberet malitiam intrinsecam, talis malitia sœpe esset mortalitatis, & non tantum venialis: Sed in appetitu sensitivo non potest esse malitia mortalitatis: Ergo &c. Major patet: nam talis malitia moraliter loquendo est ejusdem speciei cum malitia voluntatis, à qua descendit, constituitque cum illa idem peccatum, ut suprà diximus: constat autem malitiam voluntatis sœpe esse mortalem, ut cùm voluntas movet appetitum ad actum luxuriarum, & similes. Minor verò videtur esse D. Thomas h̄c art. 4. ubi docet in sensualitate non posse esse peccatum mortale, & reddit rationem, quia mortale peccatum importat deordinacionem circa ultimum finem, & aversionem ab illo; sicut autem referre & ordinare ad finem ultimum, non est sensualitatis, sed voluntatis & rationis, ita nec deordinari ac averti ab illo.
- D Respondeo concessâ Majori, negando Minorem. Ad probationem dicendum est, D. Thomam loqui de sensualitate secundum id duntaxat quod habet ex se prout inventur in homine, & hoc modo negat in ea reperi peccatum mortale: non autem negat quod dum actualiter à voluntate movetur, recipiat in se mortalem malitiam derivatam ex malitia voluntatis, mediante illa motione, ut aperte colligitur ex solutione ad 1. ejusdem articuli, ubi sic ait: *Actus sensualitatis potest concurrere ad peccatum mortale: sed tamen actus peccati mortalis non habet quod sit peccatum mortale ex eo quod est sensualitatis, sed ex eo quod est rationis, cuius est ordinari in finem.* & ideo peccatum mortale non attribuitur sensualitati, sed rationi. Utrum verò appetitus sensitivus, prout est in homine, independenter ab actuali influxu & motione voluntatis, habeat sufficientem vim & libertatem ad peccandum venialiter, dicemus articulo sequenti.



Ecc iii